

6. Kakva vrsta zadatka - da li klasičan tip zadatka ili zadatak koji se uklapa u posao radne organizacije?
7. Ukratko - šta bi sve željeli novo , odnosno da se izmijeni staro u Pravilniku za polaganje stručnih ispita?

Pozivamo članstvo da uzme učešća u Anketi i svoje pismene odgovore dostave na adresu: Viša geodetska škola - Sarajevo, Vojvođe Putnika 10/III.

OBAVIJESTI

SAVJETOVANJE U SPLITU

Savez geodetskih inženjera i geometara Jugoslavije na svom sastanku održanom u aprilu mjesecu ove godine, odlučio je da održi savjetovanje na temu "Katastar podzemnih uređaja".

Imajući u vidu značaj samog savjetovanja Savez se obratio drugovima Joži Senčaru, direktoru Zavoda za izmjeru i katastar zemljišta u Ljubljani i Iliji Živkoviću, profesoru Građevinskog fakulteta u Beogradu, koji već dugi niz godina proučavaju i sprovode u djelo registrovanje podzemnih instalacija, da pripreme tezu za osnovni referat.

Organizaciju samog Savjetovanja prihvatila je podružnica GIG-a iz Splita, a isto bi se održalo u mjesecu oktobru ove godine.

Ovim putem želimo da obavijestimo naše članstvo da se po mogućnosti odazovu u što većem broju ovoj stručnoj manifestaciji posebno iz razloga što je to nova materija koja stvara širok djelokrug rada, koju treba da zahvate organi nadležni za geodetske poslove u komuni.

GEODETSKI ZAVOD

Na sjednici Izvršnog vijeća SR BiH održanoj 1.VI 1967.godine odlučeno je da Savez GIG-a BiH delegira jednog predstavnika u organ upravljanja Geodetskog zavoda.

Ispred Saveza GIG-a BiH delegiran je Lukić Ing.Vladimir.

VIJESTI SA VGŠ U SARAJEVU

- Dosadašnji direktor Više geodetske škole u Sarajevu dr. Fet-hulah Smailbegović prešao je na Rudarski fakultet u Tuzlu, gdje je izabran za redovnog profesora.

Za novoga direktora na VGŠ izabran je prof. Milišić Ing. Antun.

- Ispred Saveza GIG-a BiH u organe upravljanja na VGS delegiran je Behlilović Ing. Fehim.
- U novoj školskoj godini, na prvu godinu studija na VGŠ biće upisano do 50 novih studenata.

PROSLAVA 35-GODIŠNJICE

Proslava 35-godišnjice mature na Geometarskom odsjeku Tehničke srednje škole - Beograd.

U dane 3. i 4. VII 1967. godine u Sarajevu je održana proslava sedme generacije geometara koja je završila Geometarski odsjek Tehničke srednje škole 1932. godine u Beogradu.

U prostorijama Doma SIT-a BiH 3. VII 1967. g. u 9 sati okupilo se 50 školskih kolega iz raznih mjesta i krajeva naše zemlje. Posebnu radost učinili su svojim učesćen na proslavi, naš uvaženi profesor Živković Ing. Ilija kao i asistenti na školi iz 1932. godine drugovi Hodovski Dalibor, Salihović Alija i Todorović Ljubiša, tek kao gosti profesori sa Više geodetske škole iz Sarajeva drugovi dr. Smailbegović Ing. Fet-hulah i Filipović Ing. Faruk.

Goste i učesnika na proslavi u ime organizacionog odbora, pozdravio je i zaželio dobrodošlicu kao i ugodan boravak u Sarajevu drug Ahmetanović Abdulah.

Prije "školskog časa" odata je minutom ćutanja pošta umrlim profesorima i kolegama, a zatim su "redari" za sva 4 odjele-nja izvršili prozivku. Nakon prozivke prof. Živković Ing. Ilija pozdravio je učesnike proslave.

Na "času" je održao slavljenik dr. Vražalić Ešref referat "Uloga i značaj naše generacije (diplom. geom. 1932. g.)".

Zajednička zakuska i ručak priredjeni su u bašti Doma SIT-a BiH a navečer je napravljen izlet žičarom na Trebević.

Drugi dan proslave 4. VII 1967. na "Dan borca" razgledan je muzej Revolucije BiH a zatim je napravljen izlet na Ilidžu i Vrelo Bosne.

Vedri i raspoloženi slavljenici su 5. VII 1967. godine otputovali svojim kućama.

Na skupu je zaključeno da se proslava 40-godišnjice održi u Beogradu.

A.A.